

Na osnovu člana 21. stav 3. Zakona o raseljenim licima i povratnicima u Federaciji Bosne i Hercegovine i izbjeglicama iz Bosne i Hercegovine („Službene novine FBiH“, broj: 15/05), a u cilju planiranja, kvalitetne izrade i transparentne provedbe planova pomoći održivog povratka, u 2014. i 2015. godini Federalno ministarstvo raseljenih osoba i izbjeglica objavljuje

JAVNI OGLAS

za podnošenje prijava/zahtjeva/projekata za programe pomoći održivog povratka u cilju podrške zapošljavanju/samozapošljavanju povratnika u poljoprivredi u općinama Federacije Bosne i Hercegovine

1. Predmet javnog oglasa

Podnošenje *prijava/zahtjeva/projekata* fizičkih lica - povratnika radi pružanja pomoći u zapošljavanju/samozapošljavanju u poljoprivredi na području Federacije Bosne i Hercegovine i to za:

PROGRAM: Pomoć za zapošljavanje u poljoprivredi:

1. Dodjela poljoprivredne mehanizacije i priključaka: traktori, motokultivatori, kosačice, kopačice i priključci;
2. Plastična proizvodnja - plastenici od 50 do 300 m²;
3. Obnova i izgradnja stajskih objekata.

2. Pravo učešća

Prijavu/zahtjev/projekat na Javni oglas mogu podnijeti:

- Fizička lica - povratnici u općinama Federacije Bosne i Hercegovine koja izraze **spremnost za lično učešće u sufinansiranju projekta u iznosu 30% od ukupne vrijednosti projekta.**

3. Opći Kriteriji

Prijava/zahtjev/projekat treba **obavezno** da sadrži slijedeće dokumente:

- čitko popunjenu i potpisanu prijavu na Javni oglas, na obrascu koji je dostupan na web stranici Ministarstva www.fmroi.gov.ba ili se može preuzeti lično u prostorijama Ministarstva na adresi Terezije 56. Sarajevo;
- kopija lične karte podnosica zahtjeva izdata u općini povratka;
- uvjerenje/potvrdu o ostvarenom povratku sa naznakom godine povratka (izdato od nadležnog općinskog organa ne starije od 6 mjeseci);
- izjava o spremnosti sufinansiranja u iznosu 30% od ukupne vrijednosti projekta (ovjerena od strane općinske službe za ovjeru potpisa ili kod notara);

4. Posebni kriteriji za fizička lica

Dokazi iz posebnih kriterija nisu obavezni ali će se na osnovu istih izvršiti bodovanje aplikacija:

1. ranija korištenost/nekorištenost finansijskih sredstava ili drugih oblika pomoći za održivi povratak (dostaviti izjavu ovjerenu od strane općinske službe za ovjeru potpisa ili kod notara, čiju će tačnost provjeriti Ministarstvo);
2. kućna lista izdata u općini povratka (ne starija od 6 mjeseci sa kopijama ličnih karata svih punoljetnih članova porodičnog domaćinstva, dokazima o pohađanju nastave za djecu školskog uzrasta);
3. dokazi o pripadnosti ranjivim kategorijama (šehidske porodice odnosno porodice poginulog borca, RVI, porodica nestalih, bivši logoraši, civilne žrtve rata, samohrane majke, osobe sa invaliditetom i sl.);

4. biznis plan – projekat za djelatnost, sa specifikacijom potrebnog materijala, predmjerom i predračunom radova za projekte obnove i izgradnje objekata;
5. dokazi o postojećoj imovini i resursima potrebnim za djelatnost, kao što su: zemljište, objekti i druga materijalna sredstva (kopija ZK izvadka ili posjedovnog lista);
6. dokazi o ukupnim mjesečnim prihodima - primanjima podnosioca prijave i članova porodičnog domaćinstva (platne liste, ček od penzije, invalidnine, socijalne pomoći i sl.);
7. dokazi o radnom ili drugom statusu podnosioca zahtjeva i članova domaćinstva (potvrda o zaposlenosti/nezaposlenosti ne starija od šest mjeseci);
8. dokaz da je registrovana djelatnost ili poljoprivredno gazdinstvo, odnosno da je pokrenut postupak registracije kod nadležnog općinskog organa;

5. Način izbora korisnika

Izbor projekata i korisnika pomoći po osnovu ovog Javnog oglasa će vršiti Komisija koju je imenovao federalni ministar raseljenih osoba i izbjeglica.

Komisija će razmatrati prijave u skladu sa Procedurama koje će donijeti federalni ministar raseljenih osoba i izbjeglica, te u skladu sa odredbama ovog Javnog oglasa.

Obrazac prijave je dostupan na web stranici Ministarstva www.fmroi.gov.ba, ili se može preuzeti lično u prostorijama Ministarstva na adresi Terezije 56. Sarajevo

Dostavljanje aplikacija se vrši preporučeno poštom ili lično, u zapečaćenoj koverti na adresu:

***Federalno ministarstvo raseljenih osoba i izbjeglica
Alipašina 41, 71000 Sarajevo***

**sa naznakom „Prijava na Javni oglas za programe pomoći održivog povratka -
zapošljavanje povratnika u Federaciji BiH ”**

(Na poledini koverta navesti ime i prezime podnosioca, tačnu adresu i kontakt telefon)

Javni oglas ostaje otvoren 20 dana od dana objavljivanja

Nepotpune i neblagovremene prijave neće se uzimati u razmatranje.

Dodatne informacije mogu se dobiti na tel: 033/201-756 i 033/205-543

Preliminarne, a nakon provedenog žalbenog postupka i konačne rang liste, po ovom Javnom oglasu će biti objavljene na web stranici Federalnog ministarstva raseljenih osoba i izbjeglica, a obavijest o donošenju istih u dnevnim novinama u kojima je objavljen i ovaj Javni oglas.

POSEBNA NAPOMENA

Prijave/molbe/zahtjevi/projekti potencijalnih korisnika sa područja Federacije BiH, koji se nalaze na utvrđenim rang listama iz 2012.godine će se nastaviti rješavati do objavljivanja konačnih rang listi po ovom Javnom oglasu, nakon čega će se sve prijave smatrati nevažećim.

Broj: 03-36-2- 6 - 2/14
Sarajevo, 20.01.2014.godine

